



Nuuk, 2. december 2009

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut apeqquteqarpunga, ima ittumik:

Ineqarnermut naalakkersuisoq aperiumavara Inissiaatileqatigiiffiup INI-ip ukiup affaanortumik 2009-mut nalunaarutaani qupperneq 7-mi allassimavoq Inissiaatileqatigiiffimmut INI-mut akiitsut aatsaat taama appariarsimatigisut 2007-mi 72,1 mill kr-niit 30.06.09-mut 58 mill. kr- nut, taamaattoq § 36 imm. 1-mut ulloq 26. novemberimi Atassummut akissuteqarnerni allappat Tuapannguani inissiani naliginnaasumik attartortittagangortussanut qaammatinik 6-nik siumut akileereernissamut piunasaqaateqartusi ukiuni kingullerni Inissiaatileqatigiiffimmut INI-mut akiitsut qaffakkiartuinnarsimmata. Tamanna erseqqissaateqarfigineqarnissaa kissaatigaara.

(Inatsisartuni ilaasortaq Aleqa Hammond, Siumut)

Tungavilersuut:

Inatsisartut suleriaasiat § 36 immikkoortoq 1 naapertorlugu apeqqutigineqartut soqutigalugit atuartarpakka, pingaartumilli akissutigineqartut malinnaavigisarlugit.

Taamaammata Atassut § 36 imm. 1 naapertorlugu Tuapannguani naliginnaasumik attartortittagangortussanut tungatillugu apeqqutaannut akissutigisimasat paatsuuganartoqartillugu erseqqissaassuteqartoqarnissamik kissaateqarpunga.

Inissiaatileqatigiiffiup INI-p ukiup affaamoortumik 2009-mut nalunaarutaanni qupperneq 7-mi allassimavoq aatsaat taama ukiorpassuit ingerlanerini akiitsut appariarneri takuneqartut. Tungavilersuutigineqarporlu akiliisitsiniartarnerup qitiusumik aqqissuunneqarnerata iluaquteqarneranik.

Taamaattoq naalakkersuisup qulaani pineqartumut akissuteqarnermini oqaatigaa Inissiaatileqatigiiffimmut INI-mut akiitsut qaffakkaluttuinnarnerisa kingunerisaanik piginneqatigiilluni inissiaatillit peqatigiiffiisa qularnaveeqqusiissutaasartut qaammatini arfinilinni attartornerup nalinganut aalajangertariaqalersimagaat.

Naalakkersuisumut inussiarnersumik erseqqissaassummik saqqummiisoqarnissaanik kissaateqarlunga inatsisartut suleriaasiat § 36 imm. 1 naapertorlugu apeqquteqarpunga.

Eqqaasitsissutigissangakku ullut qulit suliffiusut qaangiutsinnagit apeqqutiga akineqarsimassasoq.

Ikinngutinnersumik inuulluaqqusillunga
Aleqa Hammond, Siumut